



甜粿的氣味

見擺佇年底的時，阿母攏會去買大粒閣嬌的槿柑，阮就知影今仔日欲炊甜粿矣，有夠歡喜。阿母會吩咐阮姊妹仔共槿柑洗予清氣，園予焦水，才會使攞來食。普通時仔，干焦食會著五斤一百的海梨仔柑，是欲做甜粿才會當買貴參參的槿柑呢。囡仔人毋甘一喙食一瓣，攏嘛咬一槓，沓沓仔軟湯，慢慢仔哺，寬寬仔享受一年一擺的好滋味。這是阮囡仔上好空的，啊若大人愛的是柑仔皮，用菜刀切予幼幼，摻落去攞，按呢甜粿就有柑仔的芳氣矣，天然閣健康。

攞粿的時，阮母仔鬥陣開講。有時阿母閣會唱伊囡仔時代的歌予阮聽。有時歡喜過頭，話拖來亂講，煞犯著禁忌。阿母講攞甜粿的時，愛講好話，明年才會順序。尾手阮攏會改做唱歌，按呢就百面妥當，無問題啦！

攞好的甜粿園落去籠床炊，阮姊妹仔負責攞夠額的草綱、柴箍，予阿母燃火，就會使出去耍矣。阿母閣會冗早交代，中途袂使人來問東問西，像講：「炊好矣未？」按呢問嘛會影響明年的運途。毋過我逐年攏會袂記得，若鼻著灶趺一陣一陣的芳味，就會隨從欲入去，大聲喝講：「我腹肚足枵。」阿姊會共我摸牢咧，閣掩我的喙。阿母隨出來喝阮去做工課，看是去挽豬菜，抑是綱草綱。這馬想起來，阿母誠有智慧，用這招予我離灶趺遠遠遠，我就無機會入去烏白講話矣，真正是一兼二顧。

拄炊好的甜粿，實在是足芳的，毋過阿母攏講愛等冷才會使食，予枵饑的我，等甲喙瀾瀾滴。有時阿母袂堪得人姑情，就用箸托一塊仔予我過癮一下，閣講：「燒，愛細膩喔。」哈！燒驚大喙，我大喙咬落去，喔！燙喙箍啦。粿炊過工就較有，半晡仔切一塊食點心，掠枵閣止飢。有時阿母會共甜粿煎予赤赤，鹹菜用油炒予芳芳來餵甜粿，彼種滋味，食過的人才會知。

這馬我嘛做人的阿母矣，過年的時，家己做的紅豆甜粿，囡仔食甲窶窶叫。原來毋管時代按怎變，阿母的滋味攏是上讚的。

作者：邱碧華

☆詞彙學習☆

【好空】hó-khang：好機會、好事情。

【粿糲】kué-tshè/ké-tshuè：糯米磨成漿後，裝在布袋裡頭，壓上石頭把水分過濾掉，使米漿變成固體狀，可用來搓湯圓或做年糕的材料。

【尾手】bué-tshiú/bé-tshiú：最後，手中剩下的。

【百面】pah-bīn：必定、一定。百分之百的可能性。

【草綱】tsháu-in：稻草或蔗葉等捆成束，用以作為燃料。

【枵饑】iau-sài：貪吃、嘴饞。

【瀾瀾滴】tsháp-tsháp-tih：滴瀝瀝、滴個不停、滴滴答答。

【托】thuh：以長形物體為支點或著力點，來頂住、拄著或撐住。

【喙箍】tshuì-khoo：嘴巴的四周圍。

【餵】kauh：夾進、捲入。